
ҚЎҚОН ШАҲАР ШОШИЛИНЧ ТИББИЙ ЁРДАМ ШИФОХОНАСИГА FIAT РУСУМИДАГИ РЕАНИМАЦИОН АВТОМОБИЛИ ТОПШИРИЛДИ

Бугун Қўқон шаҳар шошилинч тиббий ёрдам шифохонасига Fiat русумидаги реанимацион автомобили тантанали топширилди. Тадбирда вилоят ҳокими Хайрулло Бозоров, вилоят секторлари раҳбарлари, вилоят тиббиёт соҳаси мутасаддилари, қўқонлик тиббиёт соҳаси вакиллари иштирок этдилар.

Тадбирда сўз олган вилоят ҳокими Хайрулло Бозоров, Давлатимиз раҳбарининг аҳоли саломатлигини муҳофаза қилиш масаласига алоҳида эътиборлари натижасида мамлакатимизда тиббиёт соҳаси ривожига йўлида катта ислохотлар амалга оширилаётганини қайд этиб, Қўқон шаҳар шошилинч тиббий ёрдам шифохонасига тақдим этилаётган ушбу замонавий реанимобиль, қўқонликлар ва шаҳарга яқин атрофда яшовчиларга тезкор хизмат кўрсатиш сифатини оширишга хизмат қилишини таъкидлади.

Шунингдек, Австриянинг "AME International GmbH" компанияси билан вилоятимизга болалар касалликларини даволаш учун энг замонавий Европанинг техника-жиҳозлари келтириш борасида ҳамкорлик қилиниши, бунинг учун 10 млн. долларлик шартнома амалга оширилиши, пировардида бир йилдан сўнг Қўқонда водий вилоятлари аҳолисига ҳам хизмат кўрсата оладиган, замонавий асбоб-ускуналар билан жиҳозланган тиббий мажмуа ишга туширилиши ҳам маълум қилинди.

Меҳмонлар реанимобилнинг имкониятлари билан яқиндан танишдилар.

Реанимобилга дунёнинг тиббиёт жиҳозлари ишлаб чиқаришга ихтисослашган энг олд компаниялари томонидан ишлаб чиқарилган ўпканинг сунъий вентилляцияси аппарати (ИВЛ), дефибриллятор-монитор, кўчма кўп каналли ЭКГ аппарати, реанимацион чемодан, кўп функцияли кушетка ва бошқа кўплаб зарурий жиҳозлар билан ўрнатилган бўлиб, зарур ҳолатларда тезкор жарроҳлик амалиётлари ўтказиш имконияти мавжуд.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2024-04-03 18:21:10